

徐文長文集

徐文長文集卷之二

公安袁宏道中郎評點

門人閔德美子善校訂

樂府

張家槐 樂府俱近古惜拘於古

張家槐鵲巢枝使君纔出戶闔扉鞭行人上及飛
彈鵲母連鵲卵鵲母棄雛走何所曙衙聞邸報來使
君朝去鵲莫歸

悲喪歌

吳人饗越人，俎一臠，忤舌死，杖下肉少，甘骨爲土。

歌風臺

時漢高將失英彭諸猛，又知猛者，字欲昔故曰安得和，爲鄂州作。

醉媪酒臥媪，媪武家，爐畔呼呼，豐沛中群酒徒，噓季鼻大，撫所都，誰喚降，準而公乎，十二年左，燾還着紅衫，應午炎，七人所臨，萬馬環，諸王列侯，敢不虔，獵徒酒伴，隘巷看，獨召故老，金爵乾，惜青春，赭朱顏，乃思猛士，得將安，歸問野雞，還我韓。

又

鄂州篇，衡縣權渭也，俯拾所殘，悲異代，良楚酸，謂河

高水流拍天，渭兩過之河未然。麻姑量海，海愁淺。三尺鳥爪，浸至骭。大家作計，一何長。請看何人偏墮，短。

又

英彭不雌季，心所猜。今布越耳，終當爲豨。終當爲豨，不如我先之。舊所得猛士，十當一無遺。十既一無遺，安得不歌以思。

又

雖渡江八千，從非父老。是使彼安識籍與梁，巴蜀公。竊薪城奉三老，教發帝喪義兵。若河日以東，乃知王。

者師上親長禮教下首功蜀公親歷效驗明乃知猛
士難四方守易戰攻誰兼不蹄買蹀躞擊太牢祀鄴
鄉聽叔孫通徵魯諸生驚禮四公遠來于商

予嘗夢晝所決不爲事心惡之後讀唐書李堅

貞傳稍解焉

堅貞十七之死靡他

去聲

數夢男子百兩以御

叶

貞覺

而恚莫知其謂華盛來胥

蝶也

我貌未悴廢沐垢首塵

膚敗裳如葉未秋虐使萎黃自茲以往必寢且覺角

雀謝穿筐梅罷標卷婁雖羶理不樂蟻矧已肉矣曷

感而蛾

音直

萬有膠轄，曷可詰呵，皇矣上帝，其將謂何。

六昔

昔朋友雉與鴝，不得已今爲梟。

昔骨肉鷺與鴨，不

得已今爲鵲。

昔宗親鵲與鶉，不得已今爲鷓。

昔

官府駒與虞，不得已今爲虎。

昔乳煦汗血駒，不得

已今於菟。

昔黔蒼萬夫，莫今視之蠅所生。

徐文長文集卷之三

公安袁宏道中郎評點

門人閔德美于善校訂

四言古詩

鴈臺詩

陸子嘗買鴈放之因以爲號又鴈臺在杭江干

左江右湖名山有臺近陽背陰鴈爲之來江海之大
贈繳九矢待鴈不來涼空覆水主人有馬客亦有舟
出自郭門於焉遨遊群焉以栖人亦鴈爾莊周爲蝶
孰揆厥理買鴈放生入雲出塞有問炙者張目不對

土魯番貢獅

羗飯官驛斯物不的官馬當災騰于馬春俛嚙以牙
嗜馬肉多四蹄裂馬如人裂帛跌威孔武觀者色沮
媠此羗胡若媠其母余呀以咨羗曰余乳當其出穴
若嬰離襦不見牝獅惟見我哺斯言不欺梁鸞養虎

徐文長文集卷之四

公安袁宏道中郎評點

門人閔德美子善校訂

五言古詩

與林玉兩上人登會稽最高山山出秦望上率
可五六里玉公早有來歸之意因賦以止之
茲山一何爲柳首摩青雲遠去氣色古混沌儻未分
外盼涉陝洛毋乃隔夕曛中有舊社址尚見數偶群
短草覆井水遠松貯氛氳薄雲在其下猶慕高頂墳

玄釋諒能居人世未可云念子覺無上夙昔斷羶葷
焉能繫不食焉得不耕耘况茲值秋陽寒氣慘不聊
未可來居斯語予以慇懃

來晨懃廢孝寺 中唐雅調

可憐荒宇在於焉恣游賞古砌伏野草唯餘聖賢像
巨碣指高樹御墨浮天上昔人不在斯悠然引遐想
踏入鳥初散遺寒露猶澆回睇高山岑翻然策筇杖
登秦望山

素情忻晏遊願人事永矢上此萬仞山復沿北溪水

顧瞻江海流。神去蒼茫裡。後峰千里來。旁嶂兩川起。
往昔窻中翠。今茲巔上視。佳哉是觀游。吾鄉亦信美。
沿秦望溪水

流水澄若無。溪魚宛遊空。磊磊聚圓石。滢蕩偏能工。
高寫象山曲。伏響迴草中。何朝飲麋鹿。蹄踪去難窮。
秦望山東南下折。有峰紫鐵色。錯豎似花並。土

人呼雄鵝。突余贈名花。並峰 得秀

錯如鐵色紫。出土幾千古。寒空益尚繁。秋水逆難吐。
剝削差可擬。帶插不添嫵。宛如齒齟齬。張吻訟所苦。

千秋獻組繡名號未得主直少讓中岑他山視應父
借言花蕊峰來春閒何處

海樵山人新構

古莽伏圓址新構敞方榭去家不百步連山凡幾
衡門夾柝欄卑池注微瀉群峰列窻牖佳木依簷瓦
禪榻墻垣中階級陂陀下曠霽坦以來遠暮蒼然化
亭北指夕月高臺嘯清夜嘉賓燕屢入麗人時或迓
臥榻楔巖石旁戶達僧舍主人胡不歸樵海未云罷
東樵遡遊風於茲焉息駕

又曲池

潯池疊青山，山色落池裡。上栽百歲樹，下過三折水。
日夕衆鳥下，客至數魚起。助筵摘果實，開無種芋子。
上山一以望，高城正東迤。波漾堂壁盤，野澗登覽美。
羨子善結架，多在聚景址。彼亭旣孤絕，茲地何曠爾。
與楊子完步浣紗溪，梁有懷西施之鄉。聞俊
明月照江水，截梁與子步。當時如花人，曾此照鉛素。
江流不改易，月亦無新故。薄雲淡松林，晴沙泛寒露。
借言伊人閨，應在煙生處。

讀莊子 可慨

莊周輕死生，曠達古無比。何爲數論量，生死反大事。
乃知無言者，莫得窺其際。身沒名不傳，此中有高士。

海上曲

雪隱城月高，使君梯樓坐。縣綆訊謀士，但自苦城破。
問賊一何多，數百餘七箇。長矛三十六，虛弓七無餘。
腰刃八無餘，徒手相右左。轉戰路千里，百涉一無軀。
發卒三千人，將吏密如果。賊來如無人，卒至使若下。

又

暇日棄籌策、卒卒相束手、四疆險何限、但阻孤城守、
曠野獨匪民、棄之如棄草、城市有一夫、誰不如木偶、
長立睥睨間、盡日不得沒、朝食雪沒脛、夜臥風吹肘、
彼亦何人斯、炙肉方進酒、

日暮進帆富春山

日暮帆重征、江濶眺無度、峰翠逐岬來、樹榦參天去、
千里始此行、一日卽羈旅、石瀨駛清磷、雪絮聳殘素、
回眺吳山岑、蒼蒼眇煙霧、

發嚴州舍舟登陸縱步十五里憩山麓叢榛遠

晚江中恠石

乘舟坐無聊，遵途所轉杳。急流赴海馳，恠石橫江倒。
仰睇峯崎側，惟見蒼翠矯。覆莽映赭壁，枝弱不勝鳥。
懸崖窄可步，聚纜密如篠。舟子勿前征，前路煙生草。
將至蘭溪夜宿沙浦 語句恍惚太初

中夜依水澤，羈愁不可控。遠火澹冥壁，月與江波動。
寂野聞籟微，單衾覺寒重。託踪蒲稗根，身共鷗鳧夢。
早發僊霞嶺 似杜紀遊諸詩

披衣陟崇岡，日中下未已。雄偉莫兩都，噴薄走千里。

百折翠隨人。一望寒生背。高阜互無窮。參差錯難理。
蔓草結層冰。喬木秀懸藟。晝餐就村肆。小結依崖址。
去壑知幾重。剡竿引澗水。回視高峽巔。鳥飛不得比。

自浦城進延平

溪山孕鐵英。惟石穿水黑。馬齒漱寒流。冶火融初滴。
方艇走石罅。白日飛霹靂。操舟信有神。出入坦然適。
以知庖丁者。游刃有餘歷。循理稱達人。險難亦何感。
夜宿丘園橋。木蔽天大者。幾十抱。復有修藤數。

十尋縣絡溪渚

老樹拿空雲長藤網溪翠碧火冷枯根前山友精崇
或爲道士服月明對人語幸勿相猜嫌夜來談客旅

清澹灘

黑鰲穴地出喫沫從天下春雪跌深潭驚雷迸鐵罅
回思身所經險怪幾日夜老石萬片焦飛湍千里射
藥叉窺綠淵人命輕一訖或似鼓太冶青銅沸將瀉
女媧撒餘礫頑查攪不化念彼旣憮然值茲殊可訝
短檝起沈舟凸字換深窠因之誤絲髮長與世人謝
浪怒一何愚終古不得罷有時搏陰飈寒色慘朱夏

借言呂梁叟何時答閒暇。余雖愧達人笑對成一嚇。

閩溪舟禁
形如凸字

泛舟九曲

老王亂青冥。皇天夜遺蛻。餘骨散九州。頭顱此焉寄。
人視萬劫餘。天意一夕計。遊艇沸滄波。髮鬢熱管籥。
亭午入數折。冲然元氣閉。縣峰昇羽人。毛竹倚仙姝。
辟彼齒牙蠱。生死隄。闕內世人不解竒。但識世間事。
示之帝所遺。惟以溪山聯。

武夷道士示予魏王子塞蛻首見紫氣

不死者已去。死者藉人間。骨骸自何久。飛置山之顛。
取視始伊誰。懸縵月。屢牽而不如。餘鬼安臥。攢青蓮。
道士苦斯役。藉函閣。高椽過客好奇異。啓闕請自使。
茲物真仙靈。磊磊黃琅堅。高頂泥丸宮。紫氣猶一弦。
辨明準天時。白黑互糾纏。胡爲黃冠流。示人禍福先。
爲予而變易。無乃勞子鴛。玉蘊山色輝。斯理良自然。
丙辰八月十七日與肖甫侍師季長沙公閱金

山戰地遠登岡背觀潮 奇縱

白日午。朱傾野。火燒青。吳蠅母識殘腥。寒。層。聚。秋。草。

海門不可測。練氣白於擣。望之遠若遲。少焉忽如掃。
颯風噫大塊。冷艷攔長島。惟沐一何繁。水與水相澡。
玩弄狎鬼神。去來準昏曉。何地無妖音。焉能盡搜討。

十八日再觀湖於党山

秋承自生幻。海若安措手。驚雷研雪獅。萬首敢先後。
山窺本避濡。俄驚足下吼。老壁拍波塵。千仞落衣袖。
望窮不見外。激灑明滅久。人天儼未消。劫火燒宇宙。
往昔每一覓。恐怖經旬晝。那知迫視惟其怖。應不朽。
豈惟我恐怖。天地亦應有。景往日既遷。恐怖亦却走。

蕭荷花詞

俗傳露筋娘
娘者即此

荷花一夕凋，萬里秋無色。獨遺花烈芳，千秋襲陂澤。
揚然過大湖，風緊日已夕。水鳥習舊栖，戢羽茭菰白。
弔古解維舟，去旂不盈尺。秉燭塞繡帷，金翹嚴宮額。
燭滅飄然中，神爽察孤鬼。念此芒吻微，奚啻雄虺索。
豈無冶容膏，貞肌以爲靡。念茲不能忘，惆悵至明發。

送明教往上海

翫雪東門家，天寒雪正下。繁林積素花，群山映簷瓦。
杯至不得休，語密不可罷。鳥集池樹顛，色暝天欲夜。

顧予同恣人而有太息者云我爲道謀安得與君舍
余爲重解疏欽襟向前謝起言雖遣累離緒難釋坐
駕言春陽初那得便徂夏執手歸路中衝寒爲君話
展箋不盡規墨色鮮於洗細圖萬壑雲寄我青山裡
感之不能忘聊寄短篇耳

寄善畫葛君

入燕近選體

董生抱利器鬱鬱走燕趙賤子亦何能飄然來遠道
行止本無常譬彼雲中鳥朝飲西園池暮宿北林杪

感事復懷人生年苦不早欲弔望諸君跡陳知者少
垂首默無言春風秀芳草

古山篇贈余君

漸近自然

余君本今人而有懷古思三年臥白雲一醉撫流水
握管掃素箋閉門謝時事懶與今人交自號古山子

贈陳君

愜直

珍木無弱羽廣州饒勁鱗

皇都鬱巖峩多士如繁

星陳君在鄉曲少小馳芳聲去我三百里可望不可
親昨予志廣覽自越之燕京日九君長安道一問知姓

名却復訊動止握手爲予陳自愛相公知忽忽復幾
春一朝去鄉校今作太學生言溫動有禮志壯氣自
信。背頰口若海豐下而長身再往論文史終夕如倒
困。蒸思蔚以妍儼與骨相并。王良御八駿技絕物有
神。一日驚千里安得留其行念予復南去攬策臨修
程小見同越鳥。祇入槍榆群思君不能置短篇陳素
情

戒舞智

富非聖所却貧乃士之常華屋非不美環堵庸何傷

多才戒舞智善閉靡不彰舞智向愚者弄偶於偶場
偶自不知弄爾弄何所償舞智向智者譬以光照光
彼光不受照爾照何由揚舞智兩不售不舞兩不妨
請君聽予言作善降百祥

寄彬中 似太白古風

鄴下老韋布能活乃下人魯連劇排難安得專其名
不見申包子含悽哭秦庭萬馬度關隴救郢却吳軍
潮聞同心人恐難等赴焚秦師不可出大義凜已明
裁併本莫致安命以爲貞

答和公旦

高垣沼我驅棘刺長如荻松柏年十寸至今長五尺
一朝鏡籠潘小鷗決蓬翟忽逢東來鴻相煦以雙翼
逝焉渺長江別子當幾日不能借我飛一顧一悲噓

雪

屋簷隙西棧密雪夜如織朝窺牀簟頭白慘高一尺
削身不教搖寒籠戢僵翼伴侶同苦辛何從乞漿食

寄王子心葵

殊古

葵花似君心向日解違陰葵葉我所愧有足不能衛

與君夙相知，把葵吳山時。今日相思處，南冠繫楚條。
寄陶工部

短劔在匣中，秋水蓮花芒。芒色豈不好，終爲人所防。
所貴金玉資，含輝有餘光。諒哉工部君，璿瑜映明堂。
熏風動九夏，鳴音來鏘鏘。至寶吐洪亮，不特華澤芳。
沈思不能寐，攬衣視河梁。

均石篇 意色幽蒼

片石攝寒塘，冷箭竹黃誰提數寸管。坐到一秋長。
我亦耽清致，傳聞今幾霜。翻飛乏羽翼，那得隨君芳。

想見莓苔綠。坐令毛髮蒼。疊膝嘉。肺中望。斷雲根。觴
今我操題處。青棘披孤墻。日影淡無色。十月梅早芳。
欲折以寄遠。無此長臂機。料理竹下人。應少寒枝香。

蔣扶溝公詩并序

零陵蔣先生者。迅鷗鵬之遐翮。乘龍蛇之屈
伸。嘗欲頂摩青天。手弄白日。不着上下。以栖
混元。早歲妍精。孔孟含藉。六經故說。有談空
不能。正道昔嘗出宰。扶溝晚節。薄遊四方。挂
冠拂衣。如渥在海。雖隨光揚。波於上代。魯連

高蹈於海濱禦寇埋名於鄭圃先生放縱於
吾越可謂閉戶造車出門合轍者矣渭伯兄
淮恬澹厭俗弱齡訪道垂五十春玄室冥冥
未睹宮牆遭先生遡舟閩粵放於山陰邂逅
天緣值諸行道顧盼之間疑謂異人遂數語
浹襟懸榻彌月過蒙收畜列諸僕御之徒既
而先生鴻跡遠曠再渡錢塘期計後來意得
執鞭長侍豈謂造物苛猛未更寒暄伯已化
爲異物烏乎陵海尚變人壽幾何金丹未成

玉顏曷駐滑。每念此。可謂寒心。先生哲人。胡以導指南。向耶頃者。又將浮湘江。並九疑。直指芝田家門。一入滑於斯際。能不依依。夫兄所師表弟。胡不爾恐塵凡之姿。仙聖所拒。曉哉死者已矣。生人去焉。存亡惕心。未以爲奸。異日暖沈淞之精景。陟壺嶠之福庭。飛九還之丹火。騎八極之游氣。則天凡殊塗。相見無日。緬哀伯氏。重以離衷。因獻五言。

伯氏頗好道。終歲事修服。道上逢異人。髭鬚灑林竹。

修禮重致問，德音美如玉。扣之轉微茫，焦螟游廣漠。
莫得長奉侍，雙飛向王屋。人命安可期，天猶互寒燠。
念別正徂暑，墓草已更以神。淺溪日中霜，亭亭風際木。
逢師苦不早，煉攝總成哭。

柳浪堤楚頌亭二首爲溧陽史氏題

夾岼千章柳，青春翠浪浮。如將曲池水，共作遶堤流。
長蛇偃青蔭，水鳥悅芳柔。試於垂縷處，一繫木蘭舟。

又

屈子頌匪今，賦也志空寓。千載伊誰子，后皇錫嘉樹。

曾刻刺崇檐青黃椽廣作

見離騷

永與茲亭留不遷乃

其素

昨見

與下首俱佳

昨見食偶者析偶以爲薪零星椎股腓寸尺移尻臀
心胛本無有斧亦集其垠辟彼偃師工立剖瞬者身
彼偃師者析庸以免其噴免噴豈得已爲薪豈無榛
何忘食女德辛苦二十春食偶者答言當其爲偶辰
我卽薪視爾爾自不我知我志如此矣我欲爾也歌
爾卽軒厥舐我欲爾也舞爾卽蹈厥趾我怒爾唇闕

我笑爾唇啓凡我所控提爾卽如我自爾自不覺知
昧我蓄薪志

偶也

偶也難億詐爲魚豈無知假令魚爲偶亦安避薪爲
此亦豈無謂聽我歌此詞當魚在沼時沼澗不容坻
沼旣不容坻研復朝洗之洗多墨豈少墨積盈沼池
從此再三洗嚼噉恒在茲唇外無滴瀝縫唇墨卽入
何況相沫唏君在大氣中塞海皆氛霾君今日與鼻
能免不埃噫蘇武在虜中磕頭皆羊羝死生憑羝羝

起處亦抵隈豈惟起處隈嬉寧謝紙嬉君儕人如此
而況我也魚我聞君里諺莫我魚也志非伴倩所知
事急隨則隨

狐粉

狐妖幻黛粉窈窕美佳人慕予且宜笑情好緣相親
物與人異調孰識僞與真答子以慙慙靡由匪好音
魅也一朝敗情欺音則存我欲灰茲音匪乏湯與薪
譬以寶胎魅寶旣不我存何由奪而繼存此胎魅出
以不磨魅愆

補屋

僦居已六年瓦落椽縱每當雨雪時舉族集盆甕
微溜方度楮驟響忽穿棟有如淋漓辰米麥決篩孔
五月候作梅一雨接芒種菌耳花篋衣爛書揭不動
樵子不上山薪炭貴如礦生平好樓居值此念愈踴
數椽猶僦人安得峻植棋買瓦費百錢已覺倒囊籠
命工勿多攤擘艾聊救痛

作松棚 豪快

種松六萬餘千五百株活長養二十年大者僅如括

西齋落日多。六月苦炎熱。鄰園樹木稀。遮翳不可得。
願言種樹資。求用此時節。命兒召兩僮。伐幹并其鬣。
幹以需柱梁。鬣以備周匝。四垂慎勿早。涼風任超越。
時移一丈板。獨踞文竹兀。紙二丈餘。舉墨陡一潑。
左盤持蟬螿。右壘把饕餮。挂衣梅葉梢。綠陰灑肺髮。

理舊葡萄 與趣幽

去冬雪作殃。無物不凍死。橘袖斷。衢州松柏亦多痺。
園有月支藤。盤屈四五咫。結實苦不多。一斛有餘委。
迨其堪落時。九九挂瑤水。一日十挈竿。與鳥爭啖。噉。

將以飽隣翁竊恐晒微細欲以什果坊不足一資費
幽之瓶益間漿潰敗其脆湯夜燉茶湯暫可灌消肺
壯者理舊須應手落枯痒及至更提搗僵瘦忽斷碎
如入兩手足而痿其一臂支幹既以孤收獲焉可倍
負景苦系揄脚以障西墜

刈圃 似韓

草孽始一寸及壯丈有餘豈直藪卽帶兼以館蚊胥
夜熱不可寐寧止不露居竊恐值此輩股髀遭其噬
就山擬厥罪蚊也尤其渠其他不出境惟此遠迫趨

穿幃那純塵打撲不勝劬更番以迭進安得盡屠諱
聚響苦不震萬穀嗽嬰維王者攬夢寐一夕百起呼
蚊孽固莫通草實主其這呼意問腰鎌不用安所須
難此忽如掃一翅不得儲譬彼塞垣莽往往伏茂胡
振然燒其荒窟定空妖狐莫謂野人賤刈圃非雄鬥

黽磯研

禹封不鄉侯陰麋黑也新樂者青州王也

向者寶端欵近復珍懸磯在海感蛟虺文理多瑩
白者爲雪浪星者黃金泥碎者銀作砂角者絲纏岸
舉手摸其理索索鉗響飛分符軍石鄉庸以麤陰糜

曩者辱新樂遠寄青州來一夕忽失守仍召頑滑資
一字十研磨一行百推移淹此斫陣馬羈控不得馳
乃者董文學匣有方尺儲舉以爲我贈與新樂不殊

問軍中之系於國用

吾宗兩支其一雖衰而時
一振尚有對子延而

仕者最衰者
則我之支也

吾宗異秦虜秉德嗜仁義絲延值 盛明仕版頗齒

齒先人秉魚須聯蟬及諸季列秩下大夫往往有三
四迨及賢科書至今時一綴萬木有榮凋一體互強
脆屬指四紀來樂亦劇一臂耕者闢其鋤賈者降爲

僧士者無一人慵者倚而待飽者幸免餓饑者幸未
可至論胤嗣間十室九蜂葛葛寢蒸禱時顧影兀孤
介甚者乏繼承餒鬼滿蒿雉余雖有兩兒性頗仇簡
冊飲牛未渴辰按項不能俛綠茲傷後昆思欲譜先
代念彼從戎人蔓遠瓜尚帶况值用也來舉扣其天
擊彼衰更倍茲擲筆爲一慨

避暑豁然堂大雨

可謂無景不寫

梅候苦歎蒸幸得五日霽涼風驅濕魃奏功未全濟
卷言高山顛有堂敞西翠松篁作籟竿蕭颯爽神智

乃借二三子挂絺於其地買酒穿市中炮鼙腥道
止取醉飽爲安能謹趨避祖跣擇樹依叫號枕磚
郡邑迫東廡狂來忘邏逮非非日將傾理筇方卽邁
雷雨自西來初尚雜晴蜺一言未及終振尾落簷外
衝風捎健鶻寸進得丈退高景殊卑觀竄鳥在層際
本言迺炎苛翻令咏竒致百事兼熊魚往往非着意

哀駱懷遠公驗詞

懷遠好詩什近體有佳聲選余去五泄深衣遠相迎
長身而瘦頰自有山澤清命酒不停聲酒罷有餘情

迫子歸來後，往往問寢興。
羸肩腊松火，柿縷霜秋晴。
寄此遠筐篚，兼致倡與賸。
何時以狸首，聞之使心驚。
道遠不得往，逋此泉下羹。

野蠶 南鄉却自老

越桑雖云盛，不及吳中繁。
越女賣釵釧，僅可完鴛山。
如斯苦拯救，良亦可憫憐。
如何野蠶種，孽息多今年。
曳絲滿郊郭，食葉留其勑。
葉葉如蟲網，枝枝垂釣緜。
涎縷無所用，膠衣黏頭巾。
過者苦拂拭，桑女交攢擲。
提筐往西園，空手歸東隣。
卽欲買釵珥，有錢無桑村。

嗟彼機上杼秋來鮮聞聲匪來猶可說國輸良有程
衣食無二理蠹衣與食均嘗聞捕蝗法及此同焚焚

范母詩

卽燦母

乘節三十年萬有二千夕一夕改霜心曉鏡換粧額
范母二十二獨居在羅幕五十七乃亡天長日幾蒸
獨持一寸冰萬古膠夜席當夏不得融何況秋霜日

白鵲

錢子易書故曰三
孫蓋鏐之後也

野性悅鳥魚客寓尚籠致正如好竹人借居亦栽蒔
鷗鳥自南來買入西河里王孫好法書籠以易吾字

墨絲繡雪衣。綠羅作襦。較有時。嚙喉中。嚙若婦。雲際
日夕。湖水波。秋樹葉。微紫送客。不出門。白玉掃長書。

越王嶧寺有僧歐堯蛻

味如薄日幽花

伯圖既灰寒。袈裟亦禪冷。都付塹工泥。迅矣千秋瞬。
我來值桃花。有似蝶遺粉。一宿歸去來。晨齋飽蔬笋。
子效索贈其兩叔

勞子爲我言。翁去不復活。骨鬼既已寒。生事亦不執。
多我諸父慈。視侄等。見列時時惠。釜鍾廚中作糜粲。

送章蒲圻之官

嘉祐

傾蓋語日斜肉風吹兩竅惜哉越雞翰遇鵠不能抱
眷言激獎私忽駕就遠道尚矣漆園心爲吏不敢效

柳元穀以所得晉太康問冢中杯及瓦券來易

余手繪二首券文云大男楊紹從土公買冢

地一丘東極闕澤西極黃滕南極山背北極

於湖直錢四百萬卽日交畢日月爲證四時

爲伍太康五年九月廿六日對共破剪民有

私約如律令詳玩右文似買於神若今祀后

土義非從人間買也二物在會稽倪光簡冢

地中於萬曆元年掘得之地在山陰二十七
都應家頭之西尚有一白磁獅子及諸銅器
銅器出則腐敗矣獅尚藏光簡家 闕有黃

兎窰

遙思家中人有杯不能飲孤此黃兎窰伴千三百稔
券鐵四百萬買地作衾枕想當不死時用物必弘甚
斷壘羅寶玉裘袂賤繡錦豈有緘緘指捧此鍛泥甞
存亡隔一丘華寂迥千仞活鼠勝死王斯言豈不審

又

古人笑不飲此說豈無見五斗叫劉伶哀來淚如霰
嗟彼太康子冢中亦杯玷固知好飲徒無咽可澆噉
杯出黃土中忽復受傾漑譬彼避秦人乃不知有漢
我欲學盧充詣市賣金盃庶幾遇小婢知是崔氏玩

送蘭公子

阿翁字師也揚州人

耶溪芹藻色相伴秋荷老公子榻重來傷心那可道
會日苦無多相別一何早八月廣陵濤一葉波殘照
夜雨借友人進身雲門幾與杜爭臺壘

夜影疊中流進舟草竹浦鳴雨來斷雷山雲濕可譜

及岍沿黑堤攫猪復愁虎燎火得緇徒怖餘澁言語
芋壚聊炙衣一笑嶺尊俎。

天目獅子巖

按是高峰潭處相傳嘗爲張真人
所據師爭而有之張道陵與魔爭

青城事

見其傳

我昔聞真人言修不死身選地滿天下與鬼爭青城
一岫插天目宛爾怒猊獐老釋據其口黃冠復來手
黃冠匪他人云是真人孫朐曇本上聖高道超沈冥
說教雖異軌俱以退讓名區區百尺鐵青紅抹秋榮
龍女買色線一夕繡可成胡爲兩龍象角吻同蒼蠅

賦此覺蚩蚩鑒之慎勿聽

燕子磯觀音閣 起語酷似大蘇結更蕩放

青山如美人樓觀卽空粧若無一片鏡妙麗苦不昌
茲石一何幸值此江中央上乘巨構支下集帆與檣
朱碧得水鮮鳧鴈拂波光煙霧不見海神去萬里長
我與三友俱兼以僮僕雙日西買市飯半道謝驢羶
五口將十足蹶然飯且僵百錢成一遊安得甘旨嘗
歸來乏燈燭微雨沾我裳沽酒不成醉頽然倒方牀
猶夢立閣中遙觀大魚翔

野火

馬血爲轉燐，人血爲野火。何爲松柏間，赤輪步如跛。
人言鬼炬微，神者赤而大。駒導向空馳，填雲盛旗馬。
枯豕僻且荒，來遊則云那。我欲往詢之，恐卽無可話。
隔河聞於菟，黃犢夜在野。一夫呼以馳，炬滅松露瀉。

鷹

味嗽相鷹書也出雜俎

俱雄逸

味嗽識奇才，千金買遼海。鐵鬪睽秋空，鴛鴦百迴敗。
雲中作戰場，韓彭鼓天外。

馬

誰家連錢驄，秘撥黃塵起千里。一飯間九州，能有幾
健兒，不得騎。淚落青鞵裡。

犬

少年獵平原，左盧右宋，鵲兔起鶻落，遲一顧先已搏。
但莫空中山前頭，有湯鑊。

狸

狸雖一尺軀，猛氣制十里有時怒。一號無牙墮梁死，
安得此輩來坐吾書匣底。

俠客

得此覺古詞爲腐

結客少年場。意氣何揚揚。燕尾茨菰箭。柳葉梨花槍。
爲弔侯生墓。騎驢入大梁。

麗人

與太白素手青條上並勝

何處行雲去。遙遙出洞房。月裡儻並色。鏡中無此粧。
所思望不見。縞袂日邊揚。

才子

芳俊恰合

佩筆不須長。高唐侍楚王。紅蘅槩邊出。白雪口中翔。
殺青供不及。一夜白瀟湘。

酒徒

古麗

御史別淳于。金釵墮長夜。五斗不濕唇。雙鬟抱壺。薄
笑殺斗升腸。耳熱索竿蔗。

遊大尖

松茂林
復盛花

萬松滴千山。妙翠不可染。割取武陵源。固是天所遣。
秦人跡無有。雲中叫雞犬。夜泊漁舟來。下山尋不見。
空上人常住。少林索作於菊下。
閻雅

相逢菊花下。相映菩提光。試問少林壁。穿雲幾許長。
指月莫誇手。擲拂閒挂牆。睡軒微作吼。獅子一時降。

宗孫有別字柱南者。索賦

大柱山
在城南

天柱插南雲，孤城滿蒼翠。小鳳讀書餘，內殿窺粉雉。
大魚作鳥飛，風笑萬林身。令北以圖南，物與人意會。
念彼共工額，幸不觸斯際。不然小折傷，怒煩太皞妹。
小鳳願子言補天，吾掉臂。

上冢

調逼古

吾叔邵武公當年與我翁，雙陪閩蜀守。竹馬走兒童，
歸來知幾日，相繼歸窳窳。黃泥閉雪髭，欲會那可得。
叔家城北居高棟，亦彫題。邀宸夕，駐馬爲母日烹雞。
一朝桑海換，不能保子孫。負薪冢上道，養鴨水邊村。

我今六十五，仍高破角巾。年年上釜豕，每每到孫家。
孫家留我坐，孫婦辦湯茶。以我上豕牲，啖孫且滿引。
遶籬黃蝶飛，抽籬高碧笋。起視檐西東，分簷住蜜蜂。
問蜂窠幾許，四十還有餘。窠窠如不敗，勝我十畝租。

鶴攫鵲，雛鷹黨，翻然來救。

杜蘇之間。

水鳥修其脛，插彼茄苳澤。俛啄啄蝦魚，深不下三尺。
况乃唳中倉，可內寸鱗百。江海饒此州，何往不充噉。
雄鵲知乳雌，作室高樹末。三月始罷斤，是子親所炙。
長脛一何褻，掠雛剽其宅。叔仲兩三頭，自窺寧顧伯。

顧鵲翁與母叫噪徒顧顧蒼鷹等路人與鵲少平日
不作鄉隣看被纒救其格特恐李陽拳難豎為堙額
盛邀爽鳩雄並是夷門客朱亥袖鐵錐侯嬴出奇略
左右信陵軍一舉解趙璧五國破大秦九合成小白
義高誠足憐多莽亦何碩磔虺黑柏顛獨奮少犄角
猶煩拾遺歌不朽仗徒迹三復鴟鴞詩白日為儂黑

感鷹活鵲雜事因憶曩術術梓巢鶴父死於弩

頃之衆擁一雄來匹其母母哀鳴百拒之雄
却盡啄殺其四雛母益哀頓以死群凶乃扶

其雄逸去

語語古雅

鶴髮止一時古語亮匪誣。戰門巢梓者狹斜。挺羅敷。少年繫青絲。蹶張戎侯衙。胡不自長守。轉殘雪色。煙乃向琴瑟。杪落此貞女。夫群雄太無賴。挾鯨匹子都。有如惡媒姆。送贅填門閭。借衣盛絳蔡。吐吸傾百壺。玩習爲故事。指鷓翻澗迂。孰知狹斜內。而有羅大家。賊雄殺黃口。希以威怖圖。列夫義可族。何計收其孥。此事去已久。三紀頗有餘。其時裂肝膽。狂走日夜呼。安得毛摯俠。似此鷹活雛。弁州隔幾海。有物暗高語。

設爲魚蝦所詰

啄鵲憎大鳥無恠吾子然從臾飽蝦魚子意一何偏
鱗卽賤於保於孫何擇焉盛冬水如石膠鬣不得旋
孕腸悉輓鼓張目不得眠芟菰牙始自提花漲春田
髮塊出纍瑣多死漁者筌鱗祿及鵲穀較估誰艱難
矧茲網罟酷百倍鳥有鷓雛搜子不許鱗爛子許旃
乃垂漆園理奔蟻與鳥鳶等爲一盜耳何猛此彼寬
竊東子則許竊西子拘鉗波臣詰如此而我難爲言
衆生遁吞噬此業何時捐西方古先生解破萬壁堅

龍門儻罷躍、飛去好相參、汝或未卽去、我姑代彼宣、
三戒嚴重殺五淨肉、亦權鵬飽六月息、孝先腹便便、

天竺僧

揚帆三竺、涖弭錫五羊城、黑人初以涉、琉球次所經、

波弧十五兆、日矢九千羸、

初至黑人次至琉球至廣州凡涉三萬里歲三周以

張矢莽之得此數

人疑鵬六息、彼視蠖一信、衍旣隘九土、師

亦聊八垠、片楮盡大卵、沃焦瀟孤萍、劈芥內閣、浮粉
塵、陋虛鄰、鐵籠臥龍象、銀瀾恬蛟鯨、梵唄隻字、掃江
海、百谷臣云、胡白蠟、底乃有赤篆、文象胥、幾何譯龍

樹鮮。悲。嗔。挂。履。度。葱。嶺。跌。湫。蛻。巖。雲。袞。夾。蕝。南。寺。乃。
借。領。西。昆。漏。沙。自。箭。準。聖。水。他。濤。奔。有。爲。乃。復。爾。無。
量。何。由。臻。相。色。示。戲。幻。接。引。詎。勞。塵。白。馬。幸。維。寺。黃。
龍。未。演。輪。薄。痾。阻。問。訊。擬。待。桃。花。春。

頌吳伯子治墓堂 大雅之作豈何李可識

火。瘞。世。曰。凶。水。封。豈。佳。卜。兩。徙。踰。五。紀。先。鬼。偃。幽。瀑。
多。子。爲。我。更。我。遽。往。京。國。買。石。百。尺。餘。托。子。安。墓。卓。
子。兀。辦。未。遑。我。歸。上。冢。哭。鵝。魴。設。未。已。老。稚。掠。豕。肉。
候。果。墓。旁。兒。指。告。蟻。上。燭。草。設。無。威。儀。人。怠。物。不。肅。

坐此無歡期，改燧十二木。

乃三年也。

昨者賣字錢，募工可

五六仍以煩吾子，歇百了一役。

旱禱十七韻次陳長公

詩亦遍蘇長公數篇

俱峭絕

旱魃虐以猶前羊，乃深避雲漢。夜昭回，遵彼槁條埭。
絕意柔沙波，必死蚌持翠。蜥蜴山澤窮，殺豨屠賢致。
苛繙通頃詛，玄冥等韓賸。如聞柴望禋，感通有精義。
洪疇徹恒陽，絳露肅常饋。商林沃乃深，秦天豈終醉。
壇今隣閭闔，闔亦撤幽閭。雷吏綠章封，寧有不達字。

油然未崇朝、沛爾倏濡遂、虎貓效蠟勞、豐隆普群崇。
連臂解桔槔、極目溼枯悴、歌帝悅穰穰、報典虔惓惓。
宴人無農憂、連夕美涼寐、農獲譬中行、美寐猶其次。
糴賤勝作農、先生有酒食。

陳長公餉日鑄茶瓦窰港銀魚白下法炮巨噐
夜酌深談次其韻

日鑄標槍芽、月團捲旗避、織甲赭舊條、柔針綠新肄。
瓦窰五寸銀、脊色偃微翠、雙裙謔可談、九肋底能致。
伯云準食醫、治以聰我贖、斟炮法內京、酌長非外義。

珍此五侯鯖，慚余十漿饋。主旣唱無歸，客顧稱未醉。
階蟲先秋吟，徑竹上霄闕。叔夜寂鳴琴，子雲寥問字。
待扣匪洪鐘，立涸是盈遂。泗鼎曠沈淪，神姦恣指祟。
伍員終鴟夷，三閭竟憔悴。白駒返谷空，黃鳥臨穴憊。
千古究何窮，再燭不能寐。曲禮問更端，梵詮編復次。

伯槩旣已空，吾出吾簞食。

伯子近
稍重聽

修拄杖首修髮，網膠漏磁壺。及哥窰旣某，亦病

隻耳聾次前韻

猾器幸自殘，黠絲巧規避。辟諸鞅掌人，彼逸此獨肆。

一竹楚啼頰雙磁越審翠物非人易求道遠我難致
無丞有重聽髮覆彌黨賸約髮無紀綱晨帳缺宋義
蓬粟付駿工寧減朝食饋詎意彼駿者無往不辭醉
編纓高箱塵馬尾枯索閱眼躑躅八針邀呼輪四字
浪言伏卵清竟滌下流遂熇末起蓬鬆嘲呼免魑祟
竹返磁亦歸黥補色終悴注无智靡昏捧玉神若喘
甌破視何益囊空臥安寐辱卽籠爲下老子云籠辱若驚爲下孔
云其次辟色色卽體貌之衰也辟乃色最次屠門盛
其下則儀餞受周近豕交矣豕交寧爲愛而食

早甚久不應禱再追前韻

祝融黨義輪玄冥引車避課窮。憊人蘇。徵及棗杏。肆
轍。解稿。厥頰壇。殺禿其翠。走索華陽。迤沈瘦。永難致。
竟辜燒尾恩。翻仇聽角贖。玩悒如不聞。曠疎秉何義。
余齋廢酒沽朋祭。阻肉饋方啜。澤畔醒敢思。河朔醉。
承風獨有雌。納月幸無閔。哽哽向隅悲。咄咄作空字。
朝廷聞客云。宵鋤盜隣迷。雲密不東郊。竦孽復西巢。
昨子凜令靡。舊殍理新悴。漸少藩乞驕。而多禍夫惴。
待盡歌有爰。無訛所尚寐。感此疾威旻。遣以競病食。

送友人

清世

寒風夜中起，游子朝作客。河流一尺冰，屋瓦三寸雪。
君把轡與鞦，觸手冷於鐵。此時山中人，覆絮敗毛褐。
欲寄寄莫由，此意共誰說。

送王雪漁北上

通篇快論中數語更豪雋

淮陰所佩劍，不審值何許。佩劍以釣魚，於義亦何取。
一日幾垂竿，竿竿可幾鯉。叶乃至捐漂廚庸以益漁。
勝我取魚之劍，聊略爲漁估。卽非百金資，可易數月。
黍漁也。智絕倫，何獨昧茲舉。腸餓乞可爲劍去，何所。

仗之楚復之漢漁並仗劔往可以負漁竿跟躡見劉
項猝辦恐後時載質先出疆叶上聲王郎不釣魚故亦
無竿餌聞郎所持竿貫以山中紫毫長一寸餘竿只
五寸止居則南狎越行則北聳燕淮陰劔三尺郎劔
五寸縣歸來報千金漂母是何人封侯劔不取却取
釣竿親

吳季子餉我細腰壺蘆石上芝

葫蘆老細腰乃似細腰女卽令楚宮來今亦不堪舞
我聞方外醫庸以盛藥在梧子及魚眼可容百萬千

老圃畜蔬種亦鉤一頃田。我既醜醫帳亦復少蔬肝。
擬挂於扶老支吾五岳顛。心強足不健終歲掩帳眠。
止取作蒸鵝聊以謔客涎。

又 幽沈古雅

芝朶雖不潤芝色堅且古。根鬚絡拳石如筋蝕臂履。
絡古不復脫初芽寧藉土石色。既已黃芝紫亦稍嫌。
有如意。懸梧狀貌乃婦女。穀城弔老人淚下。潛如雨。
置我筆研間長與器侯語。

大寒嶺啖新胡桃頻婆諸果

北游作

奇想

天險既已異地產應亦殊胡桃及平波朱碧明椒隔
入夏而徂秋葉翠尚不渝但少鳥與雀而多羸與驢
易水非不邇灤河不爲迂但求一寸鱗如海求獾狙
遙想燕太子食客焉得魚以知荆高徒日嚼羊與猪
猛風增食肉嗔憤易睢肝慷慨赴秦庭不復顧其餘
乃緣謀略短豈真劍術踈舞陽一豎耳何乃與之俱
哀哉樊將軍空割一隻顛國有千乘大能用王川圖
乃恃五寸鐵爲計亦何愚

往馬水口宿煙麓陀庵

青池良涿行。茲山在雲際。昨夕宿茲山。雲乃出衣袂。
因徒夾一輿。兩膝奉至身。一里轉百盤。鋸牙不得直。
結葦以爲廬。削木冒金髻。夜鐘但超懸。晨雞聊一噉。
曉巖旣高蹇。噴吼復孤厲。聞思燕趙時。築城遏胡騎。
安得盡如斯。脫甲開戶寐。

湘竹一妙管。付裁壞其頂文。

快喻

武侯敗。銜亭馬謖。違節制。兵類迥不同。大小俱是事。
茲管湘中來。百中其一耳。有如玳瑁魚。腦血徑彈子。
又如鷲與鶴。頂發楊梅紫。全體匪不華。獨此猶覺異。

詎可拘尺寸，但須存紋綺。畏炎不得行，付托殊厥旨。
舉刀一鏗然，顛落不可止。持歸以復予，魚鶴不成理。
對之一捧腹，削圓方竹比。

口中

口中萬吞吐，莫道一俗字。芻豢離喙脣，冰雪滿牙齒。
身中百所爲，亦莫涉一俗。但爲鸞鶴翩，暮卽雲霞宿。
有斤不削人，有繩不直木。淤泥填大千，荷葉自抽綠。
從此戒爾後，慎莫蹈往覆。有如垂教言，斷舌削其足。

騶虞

騶虞生猛虎。鳳凰產梟鷲。二聖有朱均。太虛亦青藜。
織織妙膚理。盎然長疣贅。梗楠同鴻杵。鍾鼎瘞其際。
橋袖匪不甘。豪蠟匪芒刺。美惡一何殊。胎孕乃非二。
越雞伏鵠卵。變之苦無計。果臝乘何神。蚶蠅乃能似。

墨陽 作頌偈觀

晏陽一警左道人。三朶花誰云只是你。安知不是我。
大海徹听冰小生。沒處躲。

又

聞道居縣竹。看來幻落花。團團輪北斗。處處種西瓜。

遍地皆祗樹何方不落伽

又

無鼻無眼孔有頭有尾巴蛟龍大螟蜒蚌蚌小蝦蟆
一結生百結百此無一些

又

將軍騎健馬稚子打慈鴉各奔前程路都來暮鼓衙
同舟迷敵國暮而認通家

又

何事移天竺居然在太倉
青龍白佛夢已熟黃梁

托鉢求朝飯、敲鑼賣夜糖。

又

明知騎竹鳳、還道媚妖蛇。可恕者、落帽難饒者、脫靴一靈生滅已、百吠是非耶。

又

男女兼黃白、丁寧囑再三。特將鐵掃帚、痛掃世姦貪。竊幸師與我不異、青與藍。

又

火龍長九九、泥蛇八十一。一物而兩呼、兩呼只一物。

將泥認外蛇見蜂硬割蜜

又

好人不在世惡人磨世尊聰明管自己開元任乾坤
遺命云開帝多應是嚇人

又

獅子吼未歇蝴蝶婆已來衆生自朦朧抵死致疑猜
認賊由他去謗佛何爲哉

徐文長文集卷之五

公安袁宏道中郎評點

古歛郝之璧子荆校訂

七言古詩

贈呂正賓長篇

海氣撲城城不守。倭奴夜進金山口。銅簽半傅鸚鵡
膏。刀血斜凝紫花繡。天生呂生眉采豎。別却家門守
城去。獨攜大膽出吳關。鐵皮雙裘青檀樹。樓中唱罷
酒半曛。倒着儒冠高拂雲。從遊泮水踐繩墨。却嫌去

采青春芹。呂生固自有奇氣。學敵萬人非所志。天姥
中峰翠色微。石榻斜支讀書處。

三茅觀觀潮 意似長吉却復清亮

黃旛繡字金鈴重。仙人夜語騎青鳳。寶樹攢攢插綠
枝。海門數點潮頭動。海神罷舞迴腰窄。天地有身存
不得。誰將練帶括秋空。誰將古概量春雪。黑熬戴地
幾萬年。晝夜一身神血乾。升沉不守瞬息事。人間白
浪今如此。白日高高慘不光。冷虹隨日縈城隍。城中
那得知城外。却疑寒色來何方。鹿園草長文殊死。獅

子隨人吼。祇樹吳山石頭坐。秋風帶着高冠拂雲霧。

陰風吹火篇呈錢刑部若附書

八山

側聞公遠臨江許。普薦國殤補化理之不及。
超沉淪而使脫涓敷揚鮮才歡喜無量賦得
陰風吹火篇以獻附書別作四首兼乞覽觀
率戲效李賀體不審少有似否別奉唐集一

部伏希垂納

較長吉神絃更悲黯

陰風吹火火欲燃。老梟夜嘯白晝眠。山頭月出狐狸
去。竹徑歸來天未曙。黑松密處秋螢雨。煙裏聞聲辨

鄉語有身無首知是誰寒風莫射刀傷處關門懸纛
稀行旅半是生人半是鬼猶道能言似昨時白日牽
人說兵事高旛影臥西陵渡召鬼不至毘盧怒大江
流水枉隔儂馮將呪力攀濃霧中流燈火密如螢
鬼未食陰風鳴鬪鼓避月攫殘黍幡底颯然人髮豎
誰言墜地永爲厲宰官功德不可議

楊妃春睡圖

風流繡艷宛爾長吉

守宮夜落胭脂臂玉堦草色蜻蜓醉花氣隨風出御
墻無人知道楊妃睡早紗帳底絳羅委一團紅玉

秋水。畫裏猶能動。世人何恠。當年走天子。欲呼與語。不得起。走向屏西打鸚鵡。爲問華清日影斜。夢裏曾飛何處雨。

雪

快想自佳

暮天寶色。珊瑚紫。海氣結雲。雲不盡。瑤闕重關。金鎖寒枕。席無歡。帝妃死。百神走馬。散曹吏。馬蹄踏空神。各祝天孫。纖手裁素羅。總帳橫施。九萬里。鮫人絲色。光海波。海犀輪織。一萬馱。神人買。賸不足。用長鬟散。綺呼諸娥。世人不解。天上苦羅帳。錦箏圍日暮。換民

貂襴拂玉鞍起向山南射黃兔

萬里比隣篇贈嘉則

白藤織笈春花密青袍剪水波紋濕出門寸步卽天
涯幃底牽衣絃正急關山斷路不斷雲吳刀割水那
得分章華楊柳弄舊色何地却少春申君人生遠遊
須及春青天能容七尺身芳草長途去萬里望望吾
家隨處是

述夢 有古擬

伯勞打始開燕子留不住今夕夢中來何似當初不

飛去憐羈雄，嗤惡侶。兩意茫茫，墜麈煙門外。烏啼淚如雨。

又

跌而濯，宛如昨。羅鞋四鈎，閒不着。棠梨花下，踏黃泥。行踪不到，棲鴛閣。

今日歌

是年虜寇古北口入薊都城

琉球佩刀，光照水三年不磨。繡花紫換錢，解向市中懸。我貴彼賤，無人市家。惟此刀頗直錢，易錢不得愁。欲死客問此刀值幾何，廣州五葛飛輕雨。乃今求市

不較量、但輸三萬錢、亦止千人、十往九不顧、向乃長
立折雙趾、一日不食、良已饑、兩日不食、將何以却、走
異縣、告長官、往日停車、僕知已平生、自有孟嘗心、今
日翻思門下士、

二馬行 頰挫宛鬱

誰家兩奴騎兩驄、誰是主人云姓宗、朝來暮去夾街
樹、經過煙霧如游龍、問馬何由得如此、淮安大豈清
泉水、曾排兩嶽橫、難驚尾撒圓毬驕、欲死陽春三月
楊柳飛、騎者何人看者稀、梅花銀釘鞵帶肥、京城高

帽細褶衣馬厭參養、有威出入顧盼生光輝、去年
防秋古北口、勁風吹馬馬逆走、對壘終宵不解鞍、食
粟連朝不盈斗、將軍見虜飽掠歸、濠陵作勢平賊走、
士卒久矣知此意、打馬追奔僅得殼、天寒馬毛腹無
矢、饑腸霍霍鳴數里、不知此處踏香泥、一路春風坐
雜綺。

送蘭應可之湖州

梅黃雨霽帶陰暈、送客西門驛路平、會多忽別疑且
驚、愁心應手絃、凄清荷花鏡裏紅、侵舫時共耽遊楫

徐漾思君若溪若天上。空佇清歌對誰唱。

觀獵篇

并序

蒼涼入古

王將軍邀予觀獵時積雨初霽飛走者避匿
予從將軍諸騎士牽狗出太平門抵海寧沙
上頃刻馳百餘里不見一雉兔而還乃割所

携鮮飲月唐詩中

茅刀割水嬌紅茜風偃寒梢臥長堰青林疎樹隱荒
墳白水茫茫看不見將軍本是北平豪記得依稀身
姓曹怕向揚州作貴客慣從下澤驟鳴鑣萬里秋郊

牛似舸千騎圍中。一是我箭，叫餓鴟、龍騰、虎馬、趁鹿。
逐麀解縑掣鎖耳。後生風鼻頭出火。自來此州殺賊。
不暇。阜鵬氣銷韓盧。鬼墮。昨見儒生衣長履大入揖。
令公揮金不謝。抽筆制詞。彎弓輒射。任釋挾屠。刳牛。
食鮮外。枯中腴。無所不可。促騎請邀。徵徒出野。牽犬。
莫遲見。兔輒打。儵遇大兒。一發斷髀。爲先生壽。引滿。
上尊健兒。跪領將軍言。翻身上馬去。如煙寶刀映日。
不足數。角巾受風。真可憐。淺草平堤。水痕聚。萬蹄避。
水移家去。沙擁肥螯。掠听飛絲。牽小牙。當空乳。漢將。

窮追路欲闌，胡家甌脫避何難。今朝立馬祁連上，不見匈奴一騎還。

題任子家所藏雙鳳鳴陽書

海水動天天欲曉，天曉日炙珊瑚老。鮫人泣夜不得眠，早起來聽鳳凰叫。梧桐百尺秋雲際，竹梢覆水千年子。一飛一宿還一鳴，百神張樂鈞天啓。梧生誠亦難，鳳出良不易。願以黃金鑄梧桐，莫教飛向丹山去。

畫鷹

閩南縞練光浮膩，傳真誰寫蒼崖鷲。生相由來不附

人緣。糞空着。將軍臂。八月九月。原草稀。百鳥高高。走肥煙中。歛翼遠不下。節短暗合。孫吳機。此時一中。貴快意。深林燕雀。何須避。惟將搏擊。應涼風。誰貪飽。鬻矜山雉。昨見少年。向南市。買鷹欲放。平原戀。凡才側目。飽人餒。不似畫中。有神氣。夜來鳴梟。作精魅。安得放此。向人世。秋風一試。刀稜翅。

贈歌者

綺色欲掩張籍

東風吹雨。楊花落。清歌細遶。鳴鐘閣。斗酒將傾。客不來。白日斜。飛晚雲。薄回腰。欲舞不得舞。試買羅衫倩。

誰估

對明篇

所謂狂語不須刪

四明山高萬丈南爲姚邑面前屏北即新昌後門障
新昌有客身姓呂要與此山約爲主尺素馮將一穴
通屋後安窓小如許窓中有時颯風雨說是山靈教
送與夜來猛虎嘯一聲雄心枕畔風吹去長安花校
高入天金陵有酒多如泉花留酒勸不肯任歸來只
愛窓中眠窓中有書積萬卷書盡是山靈管有才
無命不干時亦對山靈同一莞聞道去年醉采石醉

去狂來呼李白散髮題書萬竹中騰身舞劍青天側
此時山靈失主人自騎青虎尋復尋肉眼那知神道
至主人自識交親臨揭來筆端自有神橫開醉眼雙
作真此時墨雨添江水此際詩花弄莫春莫春江水
渺無邊射策封書復幾年明珠不遇賈胡識寶劍難
酬夜色鮮詠諧漢庭方朔老如聞永謝長安道况我
今爲抱奉人蟻虱移家宮絮襖兩人曾作青春身當
時同說不同貧君今幸不爲樊鹿亦似蛟蟠不得申
蓮花之峰亦佳麗君胡中道相捐棄邀我題詩對四

明我自貪君百壺旨，只恐蓮花喚四明。喜我亦付之一醉矣。

繼溪篇

海水必自黃河來，桃樹還有桃花開。試看萬物各依種，安得蕙草生蒿萊。龍溪吾師繼溪子，點也之狂師所喜自家溪。畔有波瀾，不川遠尋濂洛水。年年春漲溪拍天，醉我溪頭載酒船。一從誤落旋渦內，別却溪船三兩年。

北雲篇

君家樓北樓子山、大椿千年去不還、白雲一片松間、
起游子相望淚如雨、殷勤夜烏莫更啼、東方日出煙
生縷、

賦得百歲萱花爲某母壽

二十年前轉眼事、憶共郎君醉城市、阿母烹雞續夜
筵、夜深燭短天如水、我母當時亦不嗔、郎君過我亦
主人、兩家酣醉無日夜、鐔愁甕怨杯生菌、只今白首
二十載、我母不在爾母在、八十重逢生日來、雙扉况
復門庭改、我今破網未畚然、兩翅猶在彈丸邊、郎君

長壽書一紙阿母多應贊一言上壽誰人姓張者圖
裏萱花長不謝阿母但辦好齒牙百歲筵前嚼甘蔗

楚宗室雞將啄蟻齋 起語雅與

錦葵窠下雄雞白黃蟻有翼飛終澁不應草葉更相
遮五寸荆軻千里隔王孫妙思快啖吞馬遷奇筆寫
鴻門當機對敵只如此糊令看者飛心寬

沈刑部善梅花却付紙三丈索我雜畫

長安街上塵如霧葛布眼眼風難度歸來掃涸索長
箋一束溪藤沈刑部墨漿五合飽蒼蠅刺葉藤花掃

不成門前銅盞呼人急。却是冰兒來賣冰。乾喉似火
逢薪熟。一寸入口。狂煙滅。自慚野卉不成妍。刑部梅
梢如拗鐵。

送陳君會試

死折次第有法

霜花作錢綴芳草。折荷送客邪溪道。荷乾葉老障啼
鴛不及梅花弄。清曉折却梅花贈所知。娥江東邊舜
江西。封書七尺長髯客。早晚長安白馬嘶。長安白馬
去如雲。杏花有情要逢君。爲君留却花三載。肯倩東
風嫁別人。去年君來棘牆柵。半醉不醉秋月白。遺我

海蚺顆三百。瓦溝一。一瑩霜雪。今年君馬向長安。我
無一絲挂君鞍。但飛一滴相思淚。萬里隨風到杏園。

天壇

高皇乘此馬。夕月今誤用之。
為郊白雀事。見酉陽雜俎。

張公當時騎白雀。下與高皇共斟酌。一從九鼎向
幽燕。碧壇空鎖琉璃甃。古松蒼柏黑成迷。綠瓦從中
一雉飛。楊雄不得陪郊祀。空憶當年執戟時。龍駒遠
自施羅來開平。已死無人騎。却付羽林誰。健兒壓沙
五石緩其蹄。真人雄心老更雄。月中自控赴齊宮。
四十八衛萬馬中。一塵不動五里風。黃柏太苦蕉太

廿盛時文字忌新尖當時作頌車放馬付與金華宋
景濂。

十六夜踏燈與璩仲玉王新雨飲於大中橋之
西樓

樹枝畫月千條弦十五不圓十六圓。挂向酒樓簷外
邊。南市好燈值底錢。大中橋上遊人坐不飲空教今
夜過。紅脂在口香在樓那能一個到壚頭青衫白馬
無聊甚望斷黃金小鈿鞦。

六月七日之夕與梅君客生及諸鄉里赴涼於

長安街醉而稱韻得片字

長安白苧風吹斷銀河瑟瑟難成片。楚人慣自唱陽春。一曲未終人已散。西內湖荷沒鶴長。裁箭不得只聞香。東方萬瓦寒樓閣。月照金鳩琥珀黃。

摩訶庵括子松下聽弦上人彈琴

上人號無弦云翰林人所

與

括子松知幾樹黛色遙遙入雲際。上人彈琴坐其底。十指引出七條水。松清琴妙聽者寒。松葉堆翠成高山。流濤遶殿撼鐵板。獅子欲吼復不敢。泛聲忽歇浮

雲任細絲一寸。猿騰去南園。玉蝶隔花聽。東海金鷄
乘霧語。頽師一曲悲。昌黎我亦聞。弦別鶴悽。悟來忽
問無弦。目指鳴弦。鳴須答對。是不是。問太史。

謹雪

一笠黃茅小草屋也
最嚴一甕葶菴儒也

梅花一夜窓中見。昨冬少雪春無霰。寒來借景苦無
多。窓小只須三百片。每舉枯杯對此花。只愁落盡是
風沙。誰知勝六雖無賴。亦遣殘綃縞樹文。一行分向
朱門屋。誤落寒酥點。羊肉錦屏不使凍。胭脂飛絮落
盡絃。上撲四條觔。惡冷鷓鴣一二時。中肉作團豈無

一笠黃茅裏。僵殺巖巖。一甕葶初起。青蘋本亦同大。
王畢竟是雄風。總令受者自分別。難道青天乘至公。

白鷗詩

閩南煙雨迷青嶂。孤雌挾子飛天上。却憶羈雄不得歸。
兩兼深籠鏡波。凍片雪長梢向尾分。有時夢見武夷君。
山長水遠無書寄。不及南飛鴻鴈羣。主人爲爾苦。爾恨
開籠欲放非難放。增繳鷹鷂何處無。萬里馮誰報無恙。

握錐郎

城西南、握錐郎醉臥人家樓上、牀樓上女兒髮未長、
汗脫胭脂、旋午粧、錐郎雙管新正、惡女兒一見走且
僵、走向廚中喚爺娘、認是西家老鴛鴦、從來不亂雌
雄、匹定是多爲麴蘖傷、扶下樓層梯十二、明朝說與
都不記、豆蔻孤香依舊、含葡萄、千日如前醉、我聞此
語高、其人有迹無心、那可噴、東牆桃花各有主、肯使
西家共個春、楚國才芳無宋玉、東鄰如花女、獨宿、殘
牆喚玉已三年、玉對楚王堅、可憐小臣不比登徒輩、
似隔銀河路幾千、阮籍甯來眼不青、阮咸醒處大奔

鶉借馬追姑生奪婢因喪弔女哭無情哭無情笑有
態倒千金須一買即使囊空買不成韓香竊却未相
應罷繡豈少倚市門且須濁水流乾唇投桃或可求
連理贈藥安知不洧津烏雜配獸亂羣卓軫鳳皇生
逾賤韓塚鴛鴦死越芬青陵一曲崩高雲

尾渚篇

昨夕夢見張騫至今朝忽遇婁星渚同是天河往復
還可會相識牛和女牛女迢迢河漢邊烏鵲爲橋半
月圓黃姑憐彼人離索折取瓊枝插作妍龍山盡處

深波白。夜夜予來弄明月。釣竿拂却珊瑚長。波聲細
作琵琶咽。此時予思橫。不禁此際蕭郎繫妾心。樓中
刻漏滴。復滴。月裏梧桐陰。復陰。婁子訝予醉欲去。去
買鯉魚長尺許。既教柳葉出蛾眉。更取花枝催羯鼓。
鼓聲高。急似鳴鼙。星高月落。奈如何。依稀鵲叫東方
白。爲作迢迢星渚歌。

無題

中秋作

黑雲風揉成細索。皎月天開空霽落。雲索條條有時
斷。月皎夜夜同君樂。杯酒壺觴不盡興。坐到天明復

沾飲彩雲五色月染成添護蟾宮桂花影

廿八日雪

時綿被
被盜

生平見雪頗不歇。今來見雪愁欲絕。昨朝被失一池
綿。連夜足拳三尺鐵。楊柳未葉花已飛。造化弄水成
冰絲。此物何人不快意。其奈無貂作客兒。太學一生
索我句。飛書置酒雞鳴處。天寒地滑鞭者愁。寧知得
去不得去。不如着屐向西頭。過橋轉柱一高樓。華亭
有人住其上。我却十日九見投。昨見帙中大可詫。古
人絕交寧不罷。謝榛既與爲友朋。何事詩中顯相罵。

乃知朱轂華裾子，魚肉布衣無顧忌。卽今此輩皆謝
榛，謝榛敢罵此輩未，回思世事髮指冠。令我不酒亦
不寒，須臾念歇無此事。日出冰消雪亦殘。

題畫

南海荔枝我曾喫，今見雙鷗奪殘一。邊郎元是隴西
人，乃能請此南中物。我聞南海之枝更絕倫，却只聞
之未入唇。不知雙鳥爭殘顆，只是海南還是閩。

鄭本白兔 似長吉樂府

噫吁嘻，蝦蟇無異能，載昇婁宋鵲之捷，寧不能飛人。

言日廣千里月亦如之七爲樓臺三爲坻吳罡斫桂
不得睡帝命率犬而獵之婁金之宿徒有光芒趙簡
之翟旣以贈將罪兮持手不得獵下呼鵲也騰蒼蒼
玉兔告慕慕不得鹿宋鶴上天玉兔下

沈叔子解沓刀爲贈

沈子報讎寒外行一詔便得千黃金買馬買鞍意不
慳更買五尺番家鐵鏤金小字半欲滅付與碧眼譯
不出細瓦廠中多狐狸京師夜行不敢西叔子佩之
只一過黃蒿速夜間狐啼今年我從上谷行中丞遣

我聊癸疾、買驢南歸、只兩旬、只愁馬上逢黃巾、叔子
見我無所仗、解刀贈我行、色壯畢竟還從水道歸、挂
在蓬窓兩相向、一日十拔九摩挲、鞞影鱗鱗入向河、
須臾報道漁竿外、電脚龍騰五尺梭、

客強子畫十六種花、因憶徐陵雜曲中、二八年
時不憂度之句、作一歌、因爲十六花、姨歌舞
纏頭亦便戲、效陵體用陵韻

東鄰西舍麗難儔、新屋栖花迎莫愁、蝴蝶固應憎粉
伴、牡丹亦自起紅樓、牡丹骨領春穠發、一株百蒂無

休歇管中遜取八雙人紙上嬌開十二月誰向關西
不道妍誰數關頭見小憐儂爲頃刻殷七七我亦遠
巡酒裏天昭陽燕子年年度誰能鏡裏無相妬鏡中
顏色不長新。鬢底胭脂翻能故。花妓舞歇石家香依
舊還歸紙研光。莫爲弓腰歌一曲。雙雙來近畫眠牀。
予作花十二種。多風勢中有榴花題其卷首曰

石醋醋馬座 風流一棗

洛陽城中崔處士。花園麝起花妖至。封妓十八太顛
狂。石家醋醋新高髻。醋醋能嬌百帶半。珊瑚枝上織

鮫鮪明珠似月搖。難落冰。任黃魚白鯧膠。封姨身重
不能斤。翻杯濕却石家裙。初來競唱迎姨曲。轉眼翻
爲罵座人。朱唇粉暈。山眉遠。愁來皺。斷春蠶。繭石娘
嬌小。不辭觴。夜深潮淺。腮紅軟。金鈴不動。仗崔徽。明
歲馮他十八姨。借問當時諸女兒。可似此中數抹藍
燕脂。噫吁嘻。胡蝶灰。黃蜂錐。封姨之風。豐隆雷。問畫
圖。有與無。十八姨。胡爲乎。高陽酒徒。燕市狗屠耳。孰
之後。秦箏鳴。明日重陽。無錢可沽。十八姨。胡爲乎。
十指握釣。五白呼盧。夜叉子。都同醉。一壚。十八姨。胡

爲乎

蟹 詩亦不肯工似

雖云似蟹不甚似。若云非蟹却亦非。無意教君費裝
裹。君自裝裹又付題。世間美好人奪冒。略涉小醜推
向誰。此幅難云都不醜。知者賞之不容口。塗時有神
蹲在手。墨色騰煙逸。從酒無腸公子洲。欲走沙外漁
翁抱楊柳。

王鷺亭鴈圖

本朝花鳥誰高格。林良者仲呂紀伯。矮人信耳輒觀

場只曉徐熙與崔白。崔徐一紙價百金。風韻稍讓呂
與林。卽如此圖。王鵞亭云。是剡溪雪夜人。鴈兒一掃。
六十隻。何隻不落青天雲。沙黃蘆白喜相逐。逸者飛
鳴勞者宿。不須彭蠡泛扁舟。彭蠡湖今在吾目。

畫百花卷與史甥題曰漱老詭墨

世間無事無三昧。老來戲上塗花卉藤長刺。潤臂幾
枯三合茅柴不成醉。葫蘆依樣不勝揩。能如造化絕
安排。不求形似求生韻。根撥皆吾五指栽。胡爲乎區
區。枝剪而葉裁。君莫猜。墨色淋漓雨撥開。

又圖卉應史甥之索 跌宕古快

陳家豆酒名天下、朱家之酒亦其亞、史甥親挈八升
來、如椽大卷令吾畫、小白連浮三十杯、指尖浩氣響
成雷、驚花螫草開愁晚、何用三郎羯鼓催、羯鼓催筆
兔瘦蟹螯百雙、羊肉一肘、陳家之酒更二斗、吟伊吾
逆厥口爲儂、更作獅子吼。

九馬鬪人圖二國醉瀕墮

王元美爲太僕卿時刻穆王八駿圖形如

蝶

穆王八駿西馳去、造父把轡爲之御、此時八駿誰傳

形太倉老王太僕卿刻石嵌在卿之庭馬瘦尾尖了
無肉頸長筋綻抽蘭蕊儼如蝘蜒綠壁騰謂之爲龍
特無鱗此圖之馬乃九匹却比八駿多其一骨聳肉
勻亦竒物老眼寧知壽者誰摩挲却是孟頫筆牧夫
九人二人醉醒者扶之醉不墜河南山東牧馬見汗
酒胡葱醉似泥此時儻墜無扶持馬且失矣太僕答

完淳篇

人索味其別字

七孔雖外交誰令滑其裏一朝一鑿之七日渾沌死
大隗山上牧馬見軒轅黃帝稱天師牧見馮馬馬則

擾伯樂治馬馬生巧。噫吁嘻海若太倉之米莊生濠
上之魚紀消木雞之無敢應野老臨鳥之忘其機葛
天無懷差可意。虛敷汗漫長相思。不周崩墜只下土。
破天一角誰與補。石頭五色爛如花。女媧十筭高能
許。君不見朱提着銅銀墮。質心銀之。馬知何限。蜘蛛
借雨詐。蠶宜絡繹。將聲渾紡車。巧則巧矣。真則差。亦
君號完淳。陳君請我說。我謂淳之完。辟彼雲中月。自
雲自月自掃除。高團依舊金蟾蜍。

閩江某幕伯時昭君下嫁圖單于親近之隨駢

士胡姬姬嬌而騎與單于竝，猗健可畏，鞠衣
結束，文馬華旌及姬之靴帽，竝妍約可愛，而
掌琵琶者尤勝。胡決不辦此，李蓋以意爲之。
取悅人目，馬三兄投賦賦之。

毛奴索金嬌不予，貌取西施爲媼母。一朝遠嫁，作閨
氏不及宮斜一杯土，奴也。貌嬌故不真，龍眠貌嬌相
隔千餘春，朝風莫雪一萬里，粉腮那得嬌如此。故知
兩貌師彼此妍媼，雖各別竝是以意而爲之。人生觸
處有不幸，東脫網罟西亦弊。漢宮顏色不及天子知。

胡廷憔悴未必單于終始親近琵琶小妾百雙眉
是胡是漢盡花枝老無夜醉葡萄酒遞入毡帷知不
知

朱次公讀書飛來山羣彥過訪携飲塔頭方拈
六韻擬賦雨至踉蹌而下沒聞次之

枕書小睡門開半客來就榻彈書喚携壺醉客相論
尖餓鶻窺舖捲雲亂僧廚沸酒百蚊飛雙棗沈茶紫
蘭微酒罷書橫依舊無夢爲蝴蝶別花歸

松蘿齋

恆諧晴快

辣鼻作犀向月叩，便啣鼻滂一尺長，十叩九低頭作
鷲，才能一嚏，喚作霧，積年糟蠱爛人，腸震從毛孔走
大荒，一戰笑受槽，曾降伯倫無婦堪治左，誰持五斗
來賀我，戰捷知真却病不，興敗少渠真不可，西國葡
萄那得來，吾鄉豆醞逐家堆，黃公握曲千年返，卓氏
當謔百店開，新渦放水荷花白，舊棧濺珠黃，琥珀個
個肝，聞切利天人，人夢到華胥國，華胥國，食醴生
無歡，死無哭，孟公紫松襄黃獨，綠臺大拇抽肥玉，一
澆一段魯微生，閑在春窰餉醉人，一嚼一嚏醉醜醜。

醒來却苦多煩惱醒固不惡醉亦好

張旭觀公孫大娘舞劍器 於羊海馬

大娘只知舞劍器安識舞中藏卓字老頭瞥眼拾將
歸院中便覺蹲三昧大娘舞猛懶亦飛禿尾錦蛇多
兩腓老頭蛇黑墨所爲兩蛇符怒鬪不歸紅氍粉壁
爭神奇黑蛇比錦部中低野雞啄麥翟與暈一姓兩
名無雄雌老頭蘸墨捲頭髮大娘幪頭舞亦脫留與
詩人說題跋常熟翁來索判頻常熟長官錯惟人

書茅氏畫

畫堂周絲綸圖茅
老將贈一貴人

小李將軍固名筆，輕描細染工如織。若圖臺閣與絲綸，界畫便須三十日。茅君揮灑無一塵，只如此幅自清真。瀟瀟數點江湖墨，寫出巖廊輔世人。

附畫風竹於筵送子甘題此 率爾語神轉茶

奇

送君不可俗，爲君寫風竹。君聽竹稍聲，是風還是哭。若個能描風竹哭，古云畫虎難畫骨。

漁圖

何人畫秋色，蘆花繡如組。罷釣睡孤舟，月滿瀟湘浦。

撒網打魚驚鴈飛，釣竿閒挂冷魚磯。
醉餘正好割鮮膾，
性殺松鱸畫裏肥。

壽王生

四十年前王國鳴，紅帶編繩束髮青。
衆客對之俱含情，我亦把酒勸一觥。
欲引其答騎不應，今來轉睛年六十。
頭髮雖黑髭鬚白，諸朋作壽鵝雙蹠。
我却龍鍾行不得，送肴一格四柿朱。
令我自喫省我沽，惜少方闌唱鷓鴣。
方闌若在亦醜吾。

沈將軍詩

沈以鼓吹起肴問

將軍者誰沈家郎。學書學劍學漁陽。呼臬喝雉疲夜
場。月低日高睡竟忘。軀幹雖小膽則姜。十年從軍官
叅將。殺賊歸來坐五羊。明珠芡米側槃量。買得綠珠
可姓梁。一妻五妾愁專房。廣西藤酒世無雙。海南紅
螺不假鑲。直錢雖少貴天生。鸚鵡不談立酒旁。文犀
玳瑁細碎粧龍腦。一縷飛中央。左縣翡翠玉蟲。將右
挂鏤金小鳳皇。迴身未步身先鏘。盼影入鬢斜。月光
拽。郎髭鬚。郎吻張。大卮小卮響。喉龍池中豈少蚶。然
鴛安得老鷓專。頡頏郎誰與歡。思邊疆。誰者換馬耶。

鄴娼盧龍將軍急才良見郎謂何用不臧且試鎖鑰
扼背吭分道密雲汝往當漢家猛士守四方沈郎沈
郎不尋常我思古人等應行吹簫者誰勅丞相

春野圖

北門之外多佳麗白水茫茫遶天際中有幽人春野
翁摘荷採芰紉衣袂春野讀書曾萬卷只今一字不
欲看只將元氣手中調不許紅塵眼中散昨者鑄鼎
鍊九還吾欲從之乞一丹青牛在田不肯語輕簑大
笠天將雨

劉雪湖梅花大幅 風氣散逸

梅花自是花中魁畫梅花者今數誰雪湖劉子故不
俗未畫梅花先寫竹花梅篠竹兩相於直幹橫梢鏤
不如最好片雲遮一抹尤宜大雪踏孤驢非與劉君
相見初較量長短將髭鬚圍花少讓元章筆發幹元
章不若吾捉筆呼煤將發幹閉門自不令人看須臾
歇筆乃開門一掃槎枒三丈絹我客金陵訪畫梅畫
梅真妙盛行之劉君放逸不可羈一劉一盛無雄雌
我今白日題梅畫恍忽如夢羅浮夜覺來香風攪衣

帶花下美人是何代

洞巖入鼈口有石枰石橋及石池諸景

洞梁高負泥沙惡一軀巧骨裝痴癖昨聞已是三十年
今夕張燈始捫摸初疑螺尾不可梯再進再折無
盡期魚腦別波枯未已歷那逢沙澁懶移人言此語
得大槩却須請君說細微桃根倒殢蟲嚙久蜜脾不
挂峰歸稀三洞三洞此一隙解衣臥洞身投鼈三洞之門
曰鼈蒼枰爛斧或有人石橋浸影終無月當時將俟
身不死一去親費五日米遙聞櫓響送江船頭上恐

是錢塘水

僧云洞巖寺及田地俱鄉人蔣二公

避秦

其探洞事如此今照橋蔣相公是也

道直武陵隈何事桃花不出來
星河作影當歸路疑是淳于夢大槐

蘭泉篇

白虹細細三千尺蘭若葉葉垂青碧
百草諸芳不敢吹惟有湘洲杜若與之齊
浴蛟飲鹿無不可漱齒洗耳隨君宜